

Bosna i Hercegovina
Federacija Bosne i Hercegovine
Zeničko-dobojski kanton
Javna ustanova Centar za djecu i odrasle osobe s posebnim potrebama Zeničko-dobojskog kantona

Broj: 01-34-1-1-2/23
Zenica, 15.06.2023. godine

Na osnovu člana 20. a) Zakona o radu („Službene novine FBiH“, broj: 26/16, 89/18 i 44/22), odredaba Uredbe o postupku prijema u radni odnos u javnom sektoru u Zeničko-dobojskog kantonu („Službene novine Zeničko-dobojskog kantona“ broj 9/23) i Odluke o potrebi prijema u radni odnos broj: 01-34-1-1/23 od 14.06.2023.godine, direktor raspisuje:

JAVNI OGLAS
za prijem radnika u radni odnos na određeno vrijeme

I

(Radno mjesto, trajanje ugovora o radu i kratki opis poslova)

Javna ustanova Centar za djecu i odrasle osobe s posebnim potrebama Zeničko-dobojskog kantona sa sjedištem u Zenici, ulica Saliha Čakana Mulalića br. 5, objavljuje oglas za prijem radnika u radni odnos za sljedeće radno mjesto:

(1) Saradnik za pravne poslove

- 1 (jedan) izvršilac u radni odnos na određeno vrijeme na period od 12 mjeseci,
- mjesto rada Žepče, ulica Novo naselje bb,
- pripadajuća osnovna neto plata: koeficijent složenosti poslova 2,34 pomnožen sa osnovicom za obračun plaće.
- kratak opis poslova: prati propise, informiše o eventualnim promjenama i pruža stručnu pomoć u pravilnoj primjeni propisa, izrađuje prijedloge ugovora, rješenja, odluka, zaključaka, naredbi i sličnih akata iz djelokruga rada Ustanove, daje prijedloge za usklađivanje internih normativnih akata sa hijerarhijskim višim propisima, učestvuje u pripremanju sjednica Upravnog i Nadzornog odbora, vodi zapisnike, pruža stručnu pomoć i izrađuje prijedloge njihovih akata, obavlja i druge poslove za dato radno mjesto koji su navedeni u Pravilniku o radu.

II (Opći i posebni uslovi za zasnivanje radnog odnosa)

a) OPĆI USLOVI:

- da je stariji od 18 godina,
- da je državljanin Bosne i Hercegovine,
- da posjeduje zdravstvenu sposobnost za obavljanje poslova radnog mjesta za koje se prijavljuje.

b) POSEBNI USLOVI:

- VSS - VII stepen ili visoko obrazovanje prvog (najmanje 180 ECTS bodova), drugog ili trećeg ciklusa Bolonjskog sistema studiranja,
- završen fakultet društvenog smjera: pravni fakultet,
- 1 godina radnog iskustva u struci,

- poznavanje rada na računaru.

III (Potrebna dokumentacija)

Uz prijavu (mora biti svojeručno potpisana) na javni oglas, kandidati trebaju dostaviti i sljedeću dokumentaciju (original ili ovjerenu kopiju):

- kraća biografija (CV) uz kontakt podatke (broj telefona i e-mail),
- uvjerenje o državljanstvu (ne starije od 6 mjeseci od dana izdavanja),
- potvrdu o prebivalištu (CIPS),
- izvod iz matične knjige rođenih,
- diploma o stečenoj stručnoj spremi navedenoj u posebnim uslovima za radno mjesto, te rješenje o nostrifikaciji, ukoliko je navedena isprava stečena van Bosne i Hercegovine nakon 06.04.1992.godine,
- dokaz o radnom iskustvu,
- dokaz o poznavanju rada na računaru.

IV (Kriteriji)

Izbor najboljeg kandidata izvršiće Komisija za izbor kandidata za prijem u radni odnos nakon razmatranja dostavljene dokumentacije i održanog pismenog i usmenog stručnog ispita sa svakim od kandidata.

Literatura za pripremu pismenog i usmenog ispita:

- Zakon o radu FBiH („Sl. novine FBiH“, broj: 26/16, 89/18 i 44/22),
- Zakon o socijalnoj zaštiti, zaštiti civilnih žrtava rata i zaštite porodice sa djecom ZDK („Sl. novine ZDK“, broj: 13/07, 13/11, 3/15, 2/16 i 16/22),
- Zakon o upravnom postupku FBiH („Službene novine FBiH", br. 2/98, 48/99 i 61/22),
- Zakon o ustanovama („Službeni list R BiH“, broj:6/92, 8/93 i 13/94).

Pismeni dio ispita će se sastojati od 10 pitanja. Svaki potpuno tačan odgovor će se bodovati sa jednim bodom, dok se nepotpuni i netačni odgovori neće bodovati. Uslov za pristupanje usmenom dijelu ispita je 7 bodova ostvarenih na pismenom ispitu.

Na stručnom usmenom dijelu ispita Komisija će postaviti svakom kandidatu po tri pitanja, a odgovore na svako pitanje svaki član komisije boduje od 0-5 bodova. Ukupna ocjena za svakog kandidata za stručni usmeni ispit će predstavljati zbir ocjena sva tri člana Komisije. Ukupan broj bodova se sastoji od zbira bodova sa pismenog i usmenog stručnog ispita.

- Napomena: Po okončanju procedure izabrani kandidati su dužni dostaviti ljekarsko uvjerenje nadležne zdravstvene ustanove koje nije starije od 60 dana kako bi se mogao zaključiti ugovor o radu i to u roku od 15 dana od dana zaprimanja obavijesti o prijemu.
- Prednost pri zapošljavanju imat će lice sa invaliditetom u skladu sa Zakonom o profesionalnoj rehabilitaciji, osposobljavanju i upošljavanju osoba sa invaliditetom.

V (Ostale napomene)

(1) Prijave se dostavljaju u roku od **8 (osam)** dana od dana njegove posljednje objave.

(2) Javni oglas biće objavljen na web stranici JU Centar za djecu i odrasle osobe s posebnim potrebama Zeničko-dobojskog kantona (www.jucentarzdk.ba), web stranici Zeničko-dobojskog kantona (www.zdk.ba), web stranici JU Služba za zapošljavanje ZDK (www.zdk-szzz.ba) i u dnevnom listu „Dnevni avaz“.

(3) Kandidati čije prijave budu uredne, potpune i blagovremene, pristupit će proceduri po Javnom oglasu. Poslodavac će o vremenu i mjestu održavanja usmenog i pismenog ispita obavijestiti

kandidate u pisanom obliku, putem obavijesti koja će biti dostavljena na adresu kandidata kao i na e-mail adresu ukoliko je ista navedena u prijavi.

(4) Neblagovremene i nepotpune prijave, kao i prijave kandidata koji ne ispunjavaju uslove iz javnog oglasa komisija će odbaciti zaključkom.

(5) U slučaju dodatnih informacija na raspolaganju je broj telefona 032/465-933.

(6) Ustanova nema obavezu vraćanja dokumentacije. Dokumentacija će biti vraćena kandidatu samo u slučaju podnošenja zahtjeva putem protokola i to po okončanju procedure prijema.

Prijave na Oglas sa dokazima o ispunjavanju uslova dostaviti u zatvorenoj koverti lično ili putem pošte sa naznakom **“Prijava na Javni oglas za radno mjesto (navesti koje) – ne otvaraj – otvara Komisija”** na adresu :

**JAVNA USTANOVA CENTAR ZA DJECU I ODRASLE OSOBE S POSEBNIM
POTREBAMA ZENIČKO-DOBOJSKOG KANTONA
ULICA SALIHA ČAKANA MULALIĆA BR. 5
72000 ZENICA**

D I R E K T O R

Nurdehan Šahinović